



## Le horologio de tasca

Un vice alcun molbos trovava sur le via un horologio de tasca que on habeva perditte.

Illes lo levava del terra e lo regardava con le plus grande surprisa, nam nulle de illes habeva vidite un tal objecto antea, e nulle de illes sapeva que cosa illo esseva.

Realmente espaventate illes deveniva, quando illes audiva que il diceva tic-tac in le horologio.

Illes pensava que il esseva le diablo ille mesme, qui esseva in le horologio, e lo jectava via de novo. Le plus vetere prendeva un petra e colpava al horologio. Le horologio certo cessava facer tic-tac.

Le plus vetere se poneva al terra e ascoltava pro esser toto secur haber superate le diablo. Ille se levava e diceva orgoliosamente al alteres: "Videva vos que io le inseniava tacer?"

Illes omnes deveniva contente, proque illes habeva battite un adversario si vitiose, e vadeva fer a casa.

Traduction: Jørgen Kofod-Jensen (1996)

## VOCABULARIO

**horologio** un apparatus que on usa pro vider le tempore – **tasca** loco suite in pantalones e altere vestimentos pro p.ex. claves – **espaventar** crear timor – **petra** un massa dur de un mineral natural, como un parve pecia de rocca – **colpar** batter – **diablo** un homine maligne – **orgoliose** qui ha un grande opinion de se mesme – **tacer** non dicer un parola – **adversario** opponente, inimico – **vitiose** maligne – **fer** multo contente de se mesme o de alteres



**diablo**



**horologio de tasca**



**petra**



■ Mols es un parte geographic del peninsula danese Jutlandia. Mols es ric de collinas. Le habitantes de Mols es appellate *molbos* e es considerate un poco stupide per le daneses. Assi existe multe historias del molbos.

## QUESTIONES AL HISTORIA

Que es un horologio de tasca?      Qual methodo usava illes pro facer stoppar le sono?  
Qual sono audiva le molbos,      Proque seligeva illes usar un quando illes levava le horologio del terra?  
Illes pensava que in le horologio il habeva un persona Qui?  
Ubi pote on trovar petras?      Que occurreva con le horologio?